

Ruj.Kami : JANM.PRK.600-1/1/1 (1)
Tarikh : 19 Februari 2024

Semua Ketua Jabatan Persekutuan/ Ketua Pusat Tanggungjawab

YBhg. Datuk/ Dato'/ Datin/ YBrs Dr/ Tuan/ Puan,

MAKLUMAN BERKENAAN PENYATA PENDAPATAN TAHUNAN iGFMS BAGI TAHUN 2023

Dengan hormatnya perkara di atas adalah dirujuk.

2. Sukacita dimaklumkan, Penyata Pendapatan Tahunan (EC Form) iGFMS bagi tahun 2023 telah dijana dan dimuat naik ke sistem ePenyata Gaji Jabatan Akauntan Negara Malaysia. Sehubungan dengan itu, berikut merupakan penerangan kepada EC Form iGFMS:

A. Butiran Pekerja

Nama, Jabatan, No. Gaji, No. Kad Pengenalan.

B. Pendapatan Penggajian Dan Manfaat

B.1. Gaji/ Emolumen

- i. Termasuk gaji dan elaun yang dikenakan cukai;
- ii. Termasuk elaun bercukai yang dibayar melalui Portal (Modul AP iGFMS);
- iii. Ditolak kutipan balik gaji/ elaun yang dikenakan cukai (*wagetype* 4017 - Bayaran Balik Gaji Tahun Semasa dan *wagetype* 4012 - Bayaran Balik Elaun Tahun Semasa).

B.2. Butiran Bayaran Tunggakan Dan Lain-Lain Bagi Tahun-Tahun Terdahulu Dalam Tahun Semasa

- i. Termasuk gaji dan elaun yang dikenakan cukai bagi tahun lalu tetapi baharu diterima dalam tahun semasa;
- ii. Ditolak kutipan balik gaji dan elaun yang dikenakan cukai bagi tahun lalu (*wagetype* 4016 -Terima Balik Bayaran Tahun Lalu).

C. Jumlah Potongan

Potongan PCB, CP38, zakat yang dibayar melalui potongan gaji dan jumlah pelepasan bagi anak yang layak.

D. Caruman Kepada KWSP dan PERKESO

E. Senarai Elaun/ Perkuisit/ Pemberian/ Manfaat Yang Dikecualikan Cukai Serta Amaun Masing-masing

E.1. Elaun Ada Potongan KWSP

Contoh: Imbuan Tetap Perumahan; Imbuan Tetap Khidmat Awam; Bantuan Sara Hidup.

E.2. Elaun Tiada Potongan KWSP

Contoh: Imbuhan Tetap Keraian, Pemberian/ Bayaran Khas, Bayaran Insentif Wilayah.

E.3. Pulangan Balik Elaun Tidak Bercukai

Contoh : Pulangan Balik ITP Kuarters, Pulangan Balik BSH Kuarters, Pulangan Balik Imbuhan Tetap Keraian, Pulangan Balik Pemberian/ Bayaran Khas. Jumlah amaun akan ditunjukkan pada *EC Form* jika pulangan balik ada ditolak dari gaji kasar.

Nota: Elaun ada Potongan KWSP (E.1.) & Elaun Tiada Potongan KWSP (E.2.) ini diasingkan adalah sebagai rekod pegawai yang memilih Skim KWSP. **Pegawai yang memilih Skim Pencen boleh mengabaikan kategori tersebut.**

Jumlah Elaun Yang Tidak Dikenakan Cukai = (E.1.) + (E.2.) - (E.3.)

3. Kerjasama YBhg. Datuk/ Dato'/ Datin/ YBrs Dr/ Tuan/ Puan adalah diminta untuk memaklumkan perkara ini kepada semua pegawai di bawah PTJ masing-masing. Setiap majikan (PTJ) masih perlu menghantar Borang E kepada Lembaga Hasil Dalam Negeri Malaysia (LHDN). Borang E secara e-Filing akan mula dibuka di laman sesawang LHDN mulai **1 Mac 2024 hingga 31 Mac 2024**. Adalah diingatkan, semasa pengisian borang E secara e-Filing, sila ke tab Cara Pengemukaan C.P.8D dengan memilih *dropdown* "**Melalui Data Praisi**" seperti paparan di bawah:

Cara pengemukaan C.P.8D

info

-- Sila Pilih --

-- Sila Pilih --

Melalui e-Data Praisi / e-CP8D

Pemacu USB

Melalui e-mel kepada CP8D@hasil.gov.my

Dikecualikan - Tiada Pekerja

Bersama Borang E

Sekian, terima kasih.

**UNIT GAJI
JABATAN AKAUNTAN NEGARA MALAYSIA
NEGERI PERAK**